



FORSKRIFT OM ORDENSREGLEMENT FOR NISSEDALSSKULEN

Heimel

Forskrift om ordensreglement for Nissedalsskulen er vedteke i kommunestyret den 7. mai 2020 med heimel i lov av 17. juni 1998, nr 61 om grunnskulen og den vidaregåande opplæringa. Jf. opplæringslova § 9 A-10.

§ 1. Formål

Læring, tryggleik og trivsel, respekt og toleranse er sentrale føremål med opplæringa i Nissedalsskulen.

§ 2. Virkeområde

Ordensreglane gjeld i skuletida; i timar og friminutt, på skulevegen og på arrangement/turar i skulen sin regi. Ordensreglementet omfattar også det digitale rom på skulen.

§ 3. Elevane sine rettar

- 3.1. Alle elevar har rett til eit trygt og godt skulemiljø som fremjar helse, trivsel og læring (Opplæringslova § 9 A-2)
Dette tyder at elevane har rett til eit mobbefritt miljø der alle har medansvar for at ikkje nokon opplever krenkande og ulovleg åtferd frå andre.
- 3.2. Barn og ungdom har rett til å bli høyrd i saker som vedkjem dei og til å sei si meining. (Grunnlova § 104 og Barnekonvensjonen Artikkel 12)

§ 4. Orden og åtferd

Orden og åtferd i Nissedalsskulen skal vere slik at alle opplever skulen som ein trygg stad å vere med dei beste moglegheiter for læring og utvikling.

Når det gjeld orden, blir fylgjande forventa:

- 4.1. Eleven er førebudd og utkvilt til undervisninga.
- 4.2. Eleven har gode arbeidsvanar og syner god arbeidsinnsats.
- 4.3. Eleven møter presis på skulen og til undervisninga.
- 4.4. Eleven har med nødvendig læremiddel og utstyr, og læringsbrettet skal vere opplada når skuledagen tek til.
- 4.5. Eleven leverer pålagt arbeid til rett tid.
- 4.6. Eleven har god orden på arbeidsplassen og i bøkene sine.
- 4.7. Eleven bidreg til at skulen og skuleområdet er fint og ryddig.

Når det gjeld åtferd, blir fylgjande forventa:

- 4.8. Eleven syner god åtferd ovanfor medelevar, lærarar og andre tilsette i og utanfor opplæringa.
- 4.9. Eleven skal opptre roleg i timane slik at medelevane får arbeidsro.
- 4.10. Eleven syner respekt og omsorg for andre.
- 4.11. Banning og grov språkbruk skal ikkje forekome.
- 4.12. Elevar skal ikkje utsetje andre for vald, rasistiske utsegn, seksuell trakassering, sjikane eller andre krenkjande ord og handlingar.
Elevar skal heller ikkje utsetje andre for trakassering grunna religion eller livssyn.
- 4.13. Hærverk og forsøpling av skuleområdet og på skulebussen er ikkje tillate.
Elevar som er med på øydeleggingar, må erstatte det som blir øydelagt.
- 4.14. Elevane skal i regelen vere ute i friminutta om ikkje anna er avtalt.
- 4.15. Elevane skal vere innafor skulen sitt område i skuletida dersom ikkje anna er avtalt.
- 4.16. Slåsting og farleg leik er forbode, Snoballkasting og liknande leik må vere avtalt.
- 4.17. Det er ikkje lov å ha med eller bruke tobakk/snus/rusmiddel/energidrikk i skuletida.
Det same gjeld for brus og godteri dersom ikkje anna er avtalt.

- 4.18. Seint frammøte er brot på ordensreglementet og vil bli registrert. Ved for seint frammøte og fråvær, skal skulen ha beskjed i meldingsboka/SMS/Visma frå føresette om grunnen. Ved fråvær skal føresette varsle kontaktlærar med SMS/telefon ved skulestart.
- 4.19. For at alle skal føle seg trygge på skulevegen, må alle vere greie og syne omsyn til kvarandre.
- 4.20. Syklar og anna framkomstmiddel skal parkerast på tilvist plass. Elevlar som sykklar eller nyttar andre framkomstmiddel til og frå skulen skal nytte hjelm eller anna nødvendig sikringsutstyr.
- 4.21. I skuletida skal dei nytte hjelm ved sykling/skeising/aktivitetar på hjul.
- 4.22. Elevane skal bruke nødvendig sikringsutstyr ved sportslege aktivitetar.
- 4.23. Bruk av kamera i skuletida er strengt forbode om ikkje anna er avtalt.
- 4.24. Det er ikkje tillate å ha med seg elektroniske spel/leiker eller farlege gjenstandar på skulen.
- 4.25. Skal elevane utføre ærend som medfører at dei må gå utanfor skulen sitt område, må føresette skrive dette i meldingsboka/SMS/Visma.

§ 5. Erstatningsansvar

Erstatningsansvar for barn og foreldre er heimla i Skadeerstatningslova §§ 1-1 og 1-2.

Det skal bli teke omsyn til alder, utvikling, utvist åtferd, økonomisk evne og forholda elles. Gratisprinsippet gjeld ikkje i slike saker.

Regelen om erstatningsplikt gjeld også på bussen, til og frå skulen.

- 5.1. Bøker og skulemateriell som blir øydelagt eller mista må bli erstatta av eleven, ev. foreldra
- 5.2. Læringsbretta er skulen sin eigedom, og må behandlast varsomt. Når dei ikkje er i bruk skal dei bli lagt på ein forsvarleg stad slik at skader og uhell ikkje kan oppstå
- 5.2.1 Knust skjerm ved uaktsomme hendingar blir erstatta med eigendel på 500 kr fyrste gong, 1000 kr andre gong, 1500 kr. Treie gong. Maksimalt beløp er faktisk kostnad ved bytte av skjerm.
- 5.2.2 Ved svært uaktsomme handlingar som fører til skade på eller tap av læringsbrettet blir det erstatta med inntil 5000 kr, men ikkje utover faktisk kostpris
- 5.2.3 Øydelagt eller mista deksel eller lader – erstattast av eleven til kostpris. Må bli kjøpt på skulen, for å sikre at rett utstyr blir brukt.
- 5.3. Brillar og anna personleg utstyr medbragt på skulen: Skulen er berre erstatningsansvarleg dersom den har handla grov uaktsomt. Elles privatrettsleg oppgjer mellom eventuelle partar, eller ein må nytte privat ulykkes- eller reiseforsikring.
- 5.4. Pulter, stoler og skuleskåp (m.m) som er øydelagt utover vanleg slitasje ved utgangen av eit hovudtrinn vil bli krevd erstatning for av eleven/heimen.
- 5.5. Hærverk på skulen sitt utstyr og bygg vil føre til fullt erstatningsansvar og kan bli politianmeldt

6.1. For barnesteget

- 6.1.1. Det blir sterkt oppmoda om at elevane ikkje har med mobil på skulen. Dersom han er med, skal han vere avslått og liggje i "mobilhotellet" eller oppbevaring hos lærar i løpet av skuledagen. Skulen har ikkje ansvar for mobilen.

6.2. Brot på reglane medfører ein eller fleire av fylgjande sanksjonar:

- 6.2.1. Munnleg/skriftleg irettesetting frå lærar eller skuleleiar.
- 6.2.2. Kontakt med heimen og involvering av føresette.
- 6.2.3. Midlertidig inndraging av ulovlege/farlege gjenstandar. Ved inndraging av alkohol og tobakk, vil dette bli levert tilbake til dei føresette. Ulovlege gjenstandar som t.d. våpen og narkotika skal overlatast til politiet.
- 6.2.4. Straffbare tilhøve som skjer på skulen sitt område, blir meldt til politiet.
- 6.2.5. Ulovleg bruk av mobiltelefon fører til midlertidig inndraging resten av dagen. Ved gjentatte tilfelle, må føresette hente telefonen.
- 6.2.6. Ved bruk av sykkel, anna utstyr på hjul utan hjelm, eller ved aktlaus åtferd, vil utstyret bli inndrege for resten av dagen. Ved gjentatte tilfelle må føresette hente utstyret.
- 6.2.7. Ved misbruk av læringsbrett jf. IKT-reglement, og ulovleg kommunikasjon via desse, kan læringsbrettet bli inndratt i ein periode.

6.3. Ved alvorlege brot på ordensreglane, som grov utskjelling, trakassering og vald mot medelevar og tilsette, kan fylgjande sanksjonar bli tekne i bruk

- 6.3.1. Utvisning frå time eller resten av dagen. Føresette skal varslast.
- 6.3.2. Undervisning skilt frå resten av klassa/andre elevar/tilsette i eige rom/lokale for resten av timen/dagen.
- 6.3.3. Alternative friminutt til andre tidspunkt enn andre elevar, for resten av dagen. Føresette skal varslast.
- 6.3.4. Fråvær frå bestemte elevar/grupper i friminutt som eit tiltak ved mobbesaker. Føresette skal varslast.
- 6.3.5. I mobbesaker vil tiltak i handlingsprogrammet mot mobbing bli bruka.

7.1. For ungdomssteget

- 7.1.1. Mobiltelefon skal vere avslått og oppbevarast på eige ansvar i mobilhotellet i skuletida.
- 7.1.2. Prøver og eksamenar skal berre løysast med dei hjelpemiddel som skulen og Utdanningsdirektoratet til ei kvar tid bestemmer. All kommunikasjon og bruk av internett som ikkje spesifikt er oppgitt som lovleg, blir rekna som fusk.

7.2. Brot på reglane medfører ein eller fleire fylgjande sanksjonar

- 7.2.1. Munnleg/skriftleg irettesetting frå lærar eller skuleleiar.
- 7.2.2. Kontakt med heimen og involvering av føresette.
- 7.2.3. Mellombels inndraging av ulovleg materiell og gjenstandar. Ved inndraging av alkohol og tobakk, vil dette bli levert tilbake til dei føresette. Ulovlege gjenstandar som t.d. våpen og narkotika skal overlatast til politiet.
- 7.2.4. Straffbare tilhøve som skjer på skulen sitt område, blir meldt til politiet.
- 7.2.5. Ulovleg bruk av mobiltelefon fører til inndraging resten av dagen. Ved gjentatte tilfelle må føresette hente telefonen. Ved bruk av sykkel, anna utstyr på hjul utan hjelm, eller ved aklaus åtferd, vil utstyret bli inndrege for resten av dagen. Ved gjentatte tilfelle må føresette hente utstyret.
- 7.2.6. Ved misbruk av læringsbrett jf. IKT-reglement, og ulovleg kommunikasjon via desse, kan læringsbrettet bli inndratt i ein periode.
- 7.2.7. Eksamenar og prøver blir annullerte ved fusk.
- 7.2.8. Nedsett karakter i orden og/eller åtferd

7.3. Ved alvorlege brot på ordensreglane, som grov utskjelling, trakassering og vald mot medelevar og tilsette, kan fylgjande sanksjonar bli tekne i bruk:

- 7.3.1. Utvisning frå skulen for resten av timen/dagen eller inntil 3 dagars utvisning frå skulen. Føresette skal varslast.
- 7.3.2. Undervisning skilt frå resten av klassa/andre elevar/tilsette i eige rom/lokale for resten av dagen, maksimalt for tre dagar.
- 7.3.3. Alternative friminutt til andre tidspunkt enn andre elevar, maksimalt for tre dagar. Føresette skal varslast.
- 7.3.4. Fråvær frå bestemte elevar/grupper i friminutt som eit tiltak ved mobbesaker. Føresete skal varslast.
- 7.3.5. I mobbesaker vil tiltak i handlingsprogrammet mot mobbing nyttast.

Sakshandsaming

Sanksjonar etter 6.3.1-6.3.3. og 7.3.1-7.3.3 skal vedtakast som enkeltvedtak etter same sakshandsamingsreglar som ved bortvisning.

§ 9 A-11 i Opplæringslova heimlar retten til å bortvise elevar. Eit vedtak om bortvisning er eit enkeltvedtak etter opplæringslova. Eleven skal ha høve til å forklare seg munnleg, rektor skal rådføre seg med lærarane til eleven og eleven sine føresette. Ein kan klage på vedtaket.

For mindre sanksjonar er det ikkje særskilte sakshandsamingsreglar som gjeld. Her understrekast at samtala er viktig. Føresette og elevar må få høve til å snakke med lærarar og /eller leiinga ved skulen og vere i dialog når noko har vore vanskeleg.

Gyldig frå

Ordensreglementet gjeld frå og med 07.05.20



Dato: _____

Eg/vi bekreftar at ordensreglane er gjennomgått med _____ (namn elev)

Underskrift føresett

Underskrift føresett

Dato.....

Bakgrunn for ordensreglementet: U-dir-8-2014.